



**Broj: 11/04-38-10433-6/17**  
**Sarajevo, 29.12.2017. godine**

Na osnovu člana 23. Zakona o obrazovanju odraslih ("Službene novine Kantona Sarajevo", broj: 40/15), članova 5. i 7. Pravilnika o postupku utvrđivanja uvjeta, sadržaju i načinu vođenja Registra organizatora obrazovanja odraslih („Službene novine Kantona Sarajevo“, broj: 24/16) i Odluke Vlade Kantona Sarajevo, broj: 02-05-36756-13/17 od 26.12.2017. godine, ministar za obrazovanje, nauku i mlade Kantona Sarajevo d o n o s i

## **RJEŠENJE**

### **o upisu u Registar organizatora obrazovanja odraslih**

- 1. „MULTICOM D.O.O. – CENTAR ZA POSLOVNU EDUKACIJU“ SARAJEVO** - Općina Novo Sarajevo, upisana je u Registar organizatora obrazovanja odraslih pod rednim brojem **5. na strani 5.**
2. Sjedište organizatora obrazovanja odraslih – „Multicom d.o.o. – Centar za poslovnu edukaciju“ Sarajevo je: Kolodvorska br. 5, Sarajevo.
3. Registar organizatora obrazovanja odraslih Kantona Sarajevo, vodi Ministarstvo za obrazovanje, nauku i mlade Kantona Sarajevo.

### **O b r a z l o ž e n j e**

Pravni subjekat „Multicom d.o.o.“ Tuzla, sa sjedištem u Tuzli na adresi Aleja Alije Izetbegovića br. 10 i poslovnom jedinicom u Sarajevu na adresi Kolodvorska br. 5, Općina Novo Sarajevo je 3.8.2017. godine Ministarstvu za obrazovanje, nauku i mlade Kantona Sarajevo podnijelo Zahtjev za osnivanje i upis u Registar organizatora obrazovanja odraslih, uz koji je priložen i Elaborat o opravdanosti osnivanja organizatora za obrazovanje odraslih.

Ministarstvo za obrazovanje nauku i mlade Kantona Sarajevo je Rješenjem broj: 11-04-38-10433/17 od 30.10.2017. godine osnovalo Ekspertnu komisiju čiji je zadatak bio da razmotri zahtjev i Elaborat, te da dadne stručno mišljenje o društvenoj opravdanosti za osnivanje i rad pravnog subjekta „Multicom d.o.o. – Centar za poslovnu edukaciju“, Sarajevo, u skladu sa Zakonom i Odlukom o standardima i normativima za obrazovanje odraslih.

Nakon izučavanja i razmatranja Elaborata, Ekspertna komisija je dala Stručno mišljenje o društvenoj opravdanosti za osnivanje i rad organizatora obrazovanja odraslih za pravnog subjekta „Multicom d.o.o. – Centar za poslovnu edukaciju“, Sarajevo.

U Zaključku stručnog mišljenja je istaknuto da je Elaboratom potvrđena društvena opravdanost osnivanja i rada pravnog subjekta za obrazovanje odraslih.


Komisija za utvrđivanje uvjeta za rad pravnog subjekta za obrazovanje odraslih – „Multicom d.o.o. – Centar za poslovnu edukaciju“ Sarajevo, koju je formirao ministar za obrazovanje, nauku i mlade Kantona Sarajevo je izvršila uvid u priloženu dokumentaciju i uvjete u objektu, te zapisnički konstatirala da su obezbijedeni uvjeti za rad u skladu sa važećim zakonom i Odlukom o standardima i normativima za realizaciju programa za obrazovanje odraslih.

Vlada Kantona Sarajevo je na sjednici održanoj 26.12.2017. godine donijela Odluku broj: 02-05-36756-13/17, kojom se daje saglasnost za osnivanje, rad i obavljanje djelatnosti obrazovanja odraslih, kao i pokretanje procedure upisa u Registar organizatora obrazovanja odraslih, pravnom subjektu za obrazovanje odraslih „Multicom d.o.o. - Centar za poslovnu edukaciju“, Sarajevo.

Ministar za obrazovanje, nauku i mlade Kantona Sarajevo je dana 28.12.2017. godine, na osnovu Zakona o obrazovanju odraslih, donio Rješenje o ispunjenosti uvjeta za rad Organizatora za obrazovanje odraslih za „Multicom d.o.o. - Centar za poslovnu edukaciju“, Sarajevo, broj: 11/04-38-10433-5/17, kojim je predviđeno donošenje posebnog rješenja o upisu pravnog subjekta „Multicom d.o.o. - Centar za poslovnu edukaciju“ u Registar organizatora obrazovanja odraslih.

Na osnovu navedenog riješeno je kao u dispozitivu.

***Pouka o pravnom lijeku:*** Ovo rješenje je konačno u upravnom postupku, te protiv istog se ne može izjaviti žalba, ali se može pokrenuti upravni spor kod nadležnog suda u Sarajevu u roku od trideset (30) dana od dana prijema ovog rješenja.



**MINISTAR**

*Prof. dr. Elvir Kazazović*

Dostavljeno:

1. Organizatoru obrazovanja odraslih – „Multicom d.o.o.  
– Centar za poslovnu edukaciju“, Sarajevo
2. Ministarstvu za obrazovanje, nauku i mlade Kantona Sarajevo
3. Kantonalnoj upravi za inspekcijske poslove, Inspektorat prosvjetne inspekcije
4. Arhivi.



**web:** <http://www.mon.ks.gov.ba>

**e-mail:** [mon@mon.ks.gov.ba](mailto:mon@mon.ks.gov.ba)

Tel: + 387 (0) 33 562-128, Fax: + 387 (0) 33 562-218  
Sarajevo, Reisa Džemaludina Čauševića 1

